

العهد القديم (71) سفر صموئيل الأول - الجزء الثالث ومقدمة

سفر صموئيل الثاني

محمد شاهين التابع

بسم الله الرحمن الرحيم. السلام عليكم ورحمة الله وبركاته. اهلا بكم في فيديو جديد من سلسلة مدخل الى دراسة الكتاب المقدس. وما زلنا في محتويات العهد القديم في محتويات الاسفار التاريخية. والنهاردة هنكل محتويات سفر صموئيل الاول - 00:00:00

احنا وقفنا عند الاصحاح اربعة وعشرين تحت عنوان داود يستبقى شاول حيا واللي فات ملخصه او اهم ما فيه هو ان شاول الملك وابنه يونثان كانوا بيخوضوا حروب وبعدين الحرب اللي كانت ضد الفلسطينيين - 00:00:31

مين اللي كان فيه جليات او جالوت وبعدين سيدنا داود عسكري في جيش شاول الملك قتل آآآ جلياط او لوط ايا كان وهما راجعين من الحرب !! بدأ !! بعض النساء ينشدوا !! بعض الاناشيد كمدح في شاول وداود لكن شاول وجد - 00:00:46

لان المدح كان لسيدنا داود اكتر فبدأ يبقى فيه غيرة من شاول آآ اتجاه داود وما بقاش حابب وجود سيدنا داود وبدأ يحاول يقتله وكل ما يحاول يقتله يونثان كان بيتبه داود عليه السلام فما كانش بيعرف شاول انه يقتل سيدنا داود. وفي الآخر راح - 00:01:08

شاول ايل لداود يا ابن المتعوجة المتمردة وحاول يفهمه يعني ان ما دام داود موجود انت مش هتملك من بعدي بل بالعكس سيدنا داود هو اللي يملك. فلازم نتحدى شاول ويونسان على قتل داود. ما علينا لكن احنا بنلاقى بقى ذي في - 00:01:32

اربعة وعشرين ان الساعات سيدنا داود عليه السلام كان بتجي له فرصة ان هو اللي يقتل شاول ومع ذلك ما كانش بيرضى انه يقتل شاول وكان بيقول لشاول ده انت مسيح الرب وانا مش عاوز اقتلك انت ليه بتدفعني لأن انا اعمل كده طب ما نعمل - 00:01:52

عهد ومصالحة وما تقتلنيش والكلام ده كله ما علينا في الاصحاح اربعة وعشرين العدد رقم خمسة وكان بعد ذلك ان قلب داود آآ ضربه على آآ قطعه طرفا جب تشاول. فقال لرجاله حاشا لي من قبل الرب ان اعمل هذا الامر بسidi بمسيح الرب. فامد - 00:02:10

يدي اليه لانه مسيح الرب هو. فوبخ داود رجاله بالكلام ولم يدعهم يقومون على الشاوي. يعني في قلم من المراحل سيدنا داود كان عنده رجال رجاله يعني مستحبين في مكان معين كان ممكن يقتله شاول - 00:02:35

وكانوا قريبيين جدا من شاول لدرجة ان سيدنا داود قدر انه يقطع طرف الجبة او ايا كان يعني خد حته من هدوم شاول وقال لهم يا جماعة ما ينفعش ان احنا نقتل شاول ده مسيح الرب والكلام ده كله. وبعدين في العدد رقم تمانية سم قام داود بعد ذلك وخرج من الكهف ونادي - 00:02:54

شاول قائلا يا سيدي الملك. ولما التفت شاول الى ورائه خر داود على وجهه الى الارض وسجد فدي من ضمن النصوص سيدنا داود اللي هو المفروض النبي الملك المسيح المختار من الله بيسجد لشاول اللي بقى شرير دلوكتي وعاوز - 00:03:17

اقتله. فطبعا مسألة السجود هل عبادة ومش عبادة ودي من ضمن النصوص ؟ اللي احنا بقدر نرد بها على آآ شباهات النصارى اللي اللي بيجيبوا بعض النصوص فيها ناس سجدوا للمسيح وبعدين بيدعوا ان دي سجود عبادة - 00:03:35

فاحنا بنقول لهم لأ انتم ازاي بتقدروا تفرقوا ما بين سجود العبادة وسجود التقديس والتعظيم والتوقير والكلام ده كله وبعدين يعني النقاش ده احنا تكلمنا عنه قبل كده وقلنا ان طب افرض العهد القديم بيقول للرب الهك تسجد - 00:03:53

اياده وحده تعبد. يعني اللي الرب لاك تسجد يعني ما تسجدىش غير للاله وبالتالي هل فعلًا الانبياء سجدوا لغير الله؟ وهل في فعلا حاجة اسمها السجود لله كعبادة في سجود تاني تعظيم - 00:04:12

وهل ده فعل حسن عمله الانبياء ولا فعل قبيح زي الزنا المنسوب لهم وهكذا طيب ما علينا. فالملهم خردا وود على وجهه الى الارض
وسجد وقال داود لشاول. لماذا تسمع كلام الناس القائلين هو ذا داود يطلب اذتك. هو ذا قد - 00:04:31

رأى عيناكم اليوم هذا كيف دفعك رب اليوم ليدي في الكهف؟ وقيل لي ان اقتلوك ولكنني اشافت عليك وقلت لا امد الى سيدك لانه
مسيح رب هو. يعني جت له الفرصة انه يقتل شاون ومع ذلك ما رضيشه يقتله. وبعددين - 00:04:51

فانظر يا ابي المفروض سيدنا داود بيقول للشاول يا ابي والشاول بيقول له يا ابني على اساس ان داود من سني ونسان ابن شاول
يعني فانظر يا ابي انظر ايضا طرف جبتك بيدي. فمن قطع طرف جبتك وعدم قتلي ايها اعلم وانظر - 00:05:09

انه ليس في يدي شر ولا جرم ولم اخطئ اليك وانت تصيد نفسك لتأخذها يعني هو عاوز يقول انا جت لي الفرصة ان انا اموتك بس
ما موتكتش والدليل ان انا قطعت حته من هدومك واهي معندي ومع ذلك انا ما قتلتكتش. كان في - 00:05:29

قدرت لكن انا ما قتلتكتش وبعدين يقضى رب بيبي وبينتقم لي رب منك ولكن يدي لا تكون عليك. يعني كانه بيدعني على
شاول بس بيقول انا مش هانتقم لنفسي. ربنا ينتقم مني - 00:05:49

علشان انت كل شوية تحاول تقتلني وانا جات لي الفرصة ان انا اقتلتك بس انا مش هاكتلك. مش هانتقم لنفسي. هاسيب ربنا ينتقم
لي طيب وبعدين كما يقول مثل الالاماء من الاشرار يخرج شر ولكن يدي لا تكون عليك. آآ وراء من خرج ملك - 00:06:02

اسرائيل وراء من انت مطارد وراء كلب ميت وراء برغوث واحد كان ده شعر قاله الالاماء سيدنا داود بيقتبسه بغض النزء هو جاب
الكلام ده منين ولا ده الشهر القديم فعلا ولا لأ؟ فيه بعض المراجع يعني كتب مقدسة دراسية او حاجات زي كده ممكن - 00:06:22

وتكتب لنا في الهاشم هل ده الشعر كان موجود قديما؟ وهل هو موجود في مرجع ما بين ايدينا دلوقتني لأن في بعض الاحيان في
العهد الجديد بولس بيقتبس من بعض الاعشار من هوميراس ومن غيره - 00:06:44

ففي بعض الكتب المقدسة الدراسية بتقول لنا ده اقتباس. بولس اقتبسه من شعر قديم موجود فعلا ما بين ايدينا دلوقتني وهو مسلا
الاصحاح كذا او الفصل كذا من الشعر القديم ده. ما علينا مش دي قضيتنا. انا بلفت الانزار الى ان في بعض الاخوة - 00:06:59

والاخوات ساعات بسبب عمل قديم تجمعي لمثل النصوص الغربية والمحيرة فييجي الاخ او الاخت يقرأ النص وهو ما قراش لا قبله
ولا بعده وبعدين يمسك النص ويبتدي يسخر اه مين المسيحي من خلال هذا النص او يسخر من كتابه او ايا كان؟ فيقطع النص
فيقول ايه مسلا - 00:07:19

بيقول وراء من خرج ملك اسرائيل وراء من انت مطارد وراء كلب ميت وراء برغوث واحد فيقول لك ايه شف الكتاب المقدس بيقول
ان ملك اسرائيل بيطارد برغوث ويأخذ النص على انه حرفي على ان فعلا المقصود ان كان فيه ملك ابن مجونة ماشي بطارة برغوث
وبيفلي الارض عشان - 00:07:47

دور على برغوث. واصلا من خلال سياق النص سيدنا داود ما يقصدش ان ملك اسرائيل بيدور على برغوث. يعني بيدور على لا هو
بيقول بيمثل نفسه ببرغوث او بيمثل نفسه بكلب ميت. بغض النزء عن سوء التشبيه ما علينا. لكن هو بيقول يعني ان - 00:08:16
ملك اسرائيل شأنه اعلى من انه يضيع وقته في انه يطارد سيدنا داود علشان يقتله ما يقصدش ان الملك فعلا بيدور على برغوث
ومضيع وقته في انه يدور على برغوث وبيفلي النجيلة عشان يلاقي برغوث - 00:08:37

فالحال انا اتمنى انا قلت قبل كده كتير جدا لما تنتقد الكتاب المقدس وبعدين المسيحي يلاقي الموضوع تافه وليس فيه اي نقد. ومع
ذلك انت قايم نايم بتقول الانتقاد وبتزيده و بتزيده ده بيفقد مصداقتك. امام الشخص المسيحي اللي بيسمع لك او بيطلع على نقدك
وهكذا - 00:08:54

فالحال لما تنتقد لازم تبذل مجهد علشان تشوف هو ده نقد فعلا يستحق الطرح ولا لأ؟ علشان لما مسيحي راجع ورايا يجد ان ده
فعلا نقد فيبقى عندي مصداقية عند المستمع المسيحي اللي بيطلع على نكري - 00:09:18

في الاصح خمسة وعشرين تحت عنوان داود ونابل وابيدجيل المفروض دي واقعة يعني حصلت ما بين سيدنا داود والاثنين
دول نابل دا تقريبا الراجل وابيدجيل دي مراته نابل دا كان شرير وابي الجايل دي كانت ست - 00:09:40

طيبة ومش عارف مين المهم في بداية الاسحاق خمسة وعشرين في العدد رقم واحد ومات صموئيل فاجتمع جميع اسرائيل ونبوه ودفنه في بيته في الarama. فخلاص صموئيل كان شخصية اساسية - 00:09:55

في سفر صموئيل الاول مات في الاصحاح خمسة وعشرين في بدايته خالص. يعني من اول الاصحاح خمسة وعشرين لغاية نهاية الصفر ما فيش وجود للصاموئيل والصفر تقريبا واحد وتلاتين اصحاح. يعني ست اصحاحات في النهاية ده صموئيل ما لوش دور فيها. احنا قلنا الشخصيات الأساسية في الصفر هو - 00:10:12

هو اه عالي الكاهن ده في الاول خالص ومات. وبعدين في صاموئيل وبعدين شاول وابنه يوناثان وسيدنا داود. دول الشخصيات الرئيسية المهم في الاصحاح ستة وعشرين تحت عنوان داود يعفو عن شاول ثانية مرة تانية سيدنا داود المفروض بتجي له فرصة انه - 00:10:37

ويقتل شاول الملك اللي بيحاول يقتل داود كتير وسيدنا داود بيعفو عنه الاصحاح آ ستة وعشرين العدد رقم عشرين. نفس الكلام والآن لا يسقط دمي الى الارض امام وجه الرب. لأن ملك - 00:10:58

اسرائيل قد خرج ليافتتش على برغوث واحد كما آ آ كما يتبع الحجل في الجبال. بغض النظر عن الترجمة القديمة لكن نفس التعليق بتاع برغوث واحد ده على اساس ان مش المقصود برغوث فعلا - 00:11:15

لكن المقصود ان الملك شاول شأنه اعظم من انه يسيب كل مشاغله وبفضل يدور على سيدهنا داود علشان يحاول يقتله اصحاح سبعة وعشرين تحت عنوان داود بين الفلسطينيين ودي نقطة غريبة في الصفر لأن سيدهنا داود كان معاشر الفلسطينيين اللي مفروض ما يعاشرهمش وساكن عندهم وهربان من شاول علشان بيحاول يقتله فراح - 00:11:33

للناس اللي مفروض ما يعاشرهمش ما علينا هنا من ضمن الكلام عن حروب سيدهنا داود الاصحاح سبعة وعشرين العدد رقم تسعة وضرب داود الارض ولم يستبق رجلا ولا امرأة واخذ غنمها وبقرا وحميرا وجمالا وثيابا ورجع - 00:11:58

الى اخير بردو كلام تاني في العدد رقم حداشر. فلم يستبق داود رجلا ولا امرأة حتى يأتي الى جد اذ قال لا يخبروا عنا قائلين هكذا فعل داود. وهكذا عادته كل ايام اقامته في بلاد الفلسطينيين. يعني هنا - 00:12:18

قتل كل الرجال والنساء ولم يستبق احد مش عشان ربنا قال له كده ولا حاجة لأ. قال لك علشان ما يتعرفش مين اللي عمل كده. علشان ما يتقالش ان داود هو اللي عمل كده. في الاصحاح تمانية وعشرين تحت عنوان شاول وعرافة عين دور - 00:12:40

القصة دي طويلة شوية هي تقريبا كل الاصحاح تمانية وعشرين من اغرب القصص اللي في الكتاب المقدس بالكامل وبتأصل للخرافة وبتأصل للدجل والشعوذة وتحضير الارواح وامكانية استعادة روح معينة او احضار روح معينة علشان تكلمها وتعرف منها بعض الامور او تستشيرها او تسألها عن حاجة - 00:12:59

ودي مسائل مخالفة للشريعة الاسلامية قطعا ولا شك. يعني مسألة الذهاب الذهاب اصلا للدجال او للعارف ده محروم تماما مجرد الاستماع للقول وهكذا محروم وعليه عقوبة شرعية. يعني المسألة عند المسلمين واضحة قطعا ولا شك. في مسألة - 00:13:29

انا كنت عايز اقولها يعني فيما يخص الخرافة والاساطير كتأصيل شرعي علشان يبقى نقدنا منضبط. ايه هي الخرافة وايه هي الاسطورة الخرافة والاسطورة مش مجرد الشيء اللي تستغريه بعقلك. والا سترد امور امور كثيرة جدا جدا. يعني ممكن شخص يقول الجن خرافة - 00:13:49

الملايكة اللي لها سُميت جناح خرافة. بعض قصص الاولين خرافات واساطير. وازاي يونس لبّث في بطن الحوت وكذا كل دي خرافات واساطير. ليه؟ لانه هو مستغرب شيء بعقله شايف ان الامر ده غريب ما يحصلش بسبب عقله وبحكمه العقلي فيبرفرض ويقول لك دي خرافة واسطورة. لأ - 00:14:13

الضابط عندنا ان الخرافة والاسطورة هي الامور المنكرة التي لم تأتي في الوحي. يعني اه ممكن يكون فيها قصة ان امر غريب عقلنا لكنه مخالف لما عندنا شرعا وفي الوح - 00:14:40

دي الاسطورة دي الخرافة دي الوثنية امتى اقول ان هذه الممارسة وثنية مش مجرد انه فعل معين كان بيعمله الوثنين. لا طب ما

يفرض ده طقس معين من بقایا وحی تعلموه من الانبیاء - [00:15:00](#)
واختلط الحق بالباطل يبقى ترفضه کله علشان حصل اختلاط بين حق وباطل لأن المفروض الانتقاد اساسه يبني على انه مخالف للوحی عندنا وبالتالي ده امر مخالف للوحی العرافة والدجل وتحضير الارواح ده امر مخالف للوحی. يبقى دی خرافات - [00:15:19](#)
طیر ودی امور مرفوضة لان لما جه مسلا آآ اسلام بحیری يعترض يقول لك ما فيش حاجة في الدنيا اسمها سحر وكذا وكان بيغتصب
بعقلی على حدیث سحر النبي صلی الله علیہ وسلم - [00:15:45](#)

انا مش في محل ان انا ارد على الشبهة وكذا لكن اقصد اقول في النهاية ما دام الامر سابت في الوحی الحديث ده صحيح. ومقبول من الامة الاسلامية طوال التاريخ الاسلامي. ولم ينعقد الا من - [00:16:02](#)

المتأخرین لكنه مقبول عند السلف لتاريخ طويل من الزمن. وثبتت بعلم علم الحديث والاسانید وعلم الرجال وكذا ان الحديث صحيح وبلغ أعلى درجات الصحة. يبقى خلاص. يبقى ده صحيح امر انا استنكره بعقلی لكنه ثابت في القرآن. وعندهنا ثابت في القرآن وثبت في السنة ان في سحر وفي علاج - [00:16:16](#)

في القرآن والسنة والرقية الشرعية وهكذا. يبقى ما اقولش دي خرافة. ما دام ثابتة في الوحی خلاص. يبقى اصدق واذعن واؤمن واطيع. اعمل العقلی فقط في مسألة هل ده ثابت ولا لا - [00:16:45](#)

بضوابط علمية مش على هوى وبحسب ما انا شايف ده ثابت ولا مش ثابت؟ لا بحسب ضوابط علمية وبحث وتدقيق وفحص وتمحيص وكذب ثبت انه صحيح يبقى اقبل كل ما فيه. خلاص. مهما كان - [00:16:59](#)

الله المستعان. الحديث اللي بيقول ان فلان ركب على بقرة والبقرة تكلمت وقالت ما خلقت لهذا فالناس تعجبت وقالت بقرة تتكلم ده خبر اخبرهن النبي محمد صلی الله علیہ وسلم عن امر حصل في الماضي - [00:17:20](#)

فالنبي محمد صلی الله علیہ وسلم قال انا اؤمن بهذا وابو بكر وعمر فيما معنى الحديث كذا يعني. خلاص الحديث ثبت ده وحی خبر وحی ما دام ثبت انه وحی يبقى ما فيش اعتراض. لا يحق لك ان تعترض - [00:17:39](#)

الله المستعان. هو ده الاستسلام والاذعان والخضوع وهو ده الايمان. التصديق ثبت ان الوحی قال خبر معين ان في حاجة اسمها جن. ومخلوقة من النار وهم بي Shawfونا احنا مش قادرین نشوفهم. يبقى في - [00:17:57](#)

فعلا جن ثبت ان فيه خلاص يبقى فيه ملائكة وكذا. امور قديمة من اخبار السابقین يبقى نصدق قطعا ولا شك. فقط نعمل في اثبات هل ده ثابت عن الوحی ولا لا - [00:18:14](#)

ثبت عن الوحی يبقى استسلم وازعن واطيع وهو ده منهج المسلمين. القصة بقى الغريبة بتاعة الشاون صاموئيل كان مات فهنا في الاصحاح تمانية وعشرين في العدد رقم ثلاثة بيقول ومات صاموئيل ودبیه كل اسرائیل ودفنوه في الراما في مدینته - [00:18:31](#)
وكان شاول قد نفى اصحاب الجن والتوباع من الارض هو بيجيب سيرة صاموئيل ليه انه مات ما ذكرها قبل كده في الاصحاح خمسة وعشرين في بدايته. هو عاوز ينبهك ان الواقعه دي لها علاقة بصاموئيل بس - [00:18:51](#)

تموئيل ده كان ميت ودفنوه وبعدین بيقول لك ان الشاول الملك نفى اصحاب الجن والتوباع من الارض. الجن اللي هم الجن يعني ناس مسخرين جن او بيستخدموا الجن في امور سحر ودجل - [00:19:07](#)

كذا والتوباع نفس المعنى ان ساحر له جن تابع له بيستخدمه في اي مسألة غير شرعية او ايا كان فالمفروض ان التوراة في العهد القديم في سفر التثنية بيقول ان صاحب الجن والعرفة والتابع كذا دول لهم عقاب ويرجموا وهكذا - [00:19:25](#)

خلاص ده ثابت في الشريعة وبالتالي المفروض لما شاور نفاهم ده يعني امر عقوبة بس مش هي العقوبة الشرعية ما علينا يعني كان المفروض يرجمهم او يقتلهم. هو كان نفاهم خلاص وبعدین ايه اللي حاصل - [00:19:45](#)

في العدد سبعة من الاصحاح آآ تمانية وعشرين بيقول فقال شاو لعيده فتشوا لي على امرأة صاحبة جن. فاذهب اليها واسألهما. كان في حرب تقريبا مقدم عليها شاول الفلسطينيين فصاموئيل كان مات طب انا هستشير مين؟ مين هيكلم الرب ويقول لي انا هنتصر ولا مش هنتصر؟ هي دی كانت - [00:20:02](#)

يعني. حتى سيدنا داود نقل له كذا مرة انه قبل ما يحارب يا رب انت هتدفعهم ليدي فا قبل واقبلا واحارب ولا اهرب ولا اعمل ايه؟ فهو برضه الشاول عاوز يعرف نفس الكلام. فعاوز واحدة تعرف يعني ساحرة او كذا علشان يسألها - 00:20:26

فتنكر شاول ولبس ثيابا اخرى وذهب هو ورجلان معه وجاؤوا الى المرأة ليلا. يعني اتنكر علشان ما تعرفش ان هو الملك. لأن الملك حاكم عليهم احكام فهتخاف وقال اعرفني بالجان واصعدي لي من اقول لك. يعني هتحضر ارواح وهتستخدم جن في معرفة غيب - 00:20:46

ده شرك وقل زي ما انت عاوز تقول يعني النقد اساسه ان ده مخالف للشريعة الاسلامية. مخالف لعقيدتنا فبالتالي ده باطل قطعا ولا شك. ويبقى الكتاب المقدس بيأصل لهذه الخرافات والاساطير ويبيتكلم عنها على انها دي - 00:21:09

حقيقة حصلت وان شاور راح للعرفة اللي عندها جن وقالت له وقال لها كذا كذا واصعدت له. هو بيقول ايه اصعدي لي من اقول لك يعني كأن الشاول صموئيل ده في الهاوية لأن هو هيطلب انه يصعد روح صموئيل - 00:21:28

فكأن الصموئيل ده في الهاوية في جهنم وفكرة بقى ان جهنم تحت الارض يعني النظام الطبقي ده ان جهنم تحت الارض ايوة احنا بنؤمن ان جهنم دركات والجنة درجات يعني اعلى واسفل. لكن مش مش الفكرة ان احنا بنقيس على الارض اللي احنا عايشين عليهما دلوقتي - 00:21:46

الктون بتاع توم اند جيري لما كان بيقى ملاك يطلع بالسلم لفوق لو هيدخل النار بقى هيبقى في الارض. النار دي تحت الارض لأ الفكرة مش كده ده عالم غيبى. ايوة فيه اعلى واسفل لكن في عالم غيبى مش حسب النار مش تحتينا في الارض. الله المستعان. المهم - 00:22:13

يعني واصعدي لي من اقول لك؟ فقالت له المرأة هو ذا انت تعلم ما فعل شاول. هي مش واحدة بالها ان اللي بيكلمها ده شاول اصلا. فهي بتقول له يعني انت عارف الكلام - 00:22:38

ده ممنوع وشاول مفانة وكذا. كيف قطع اصحاب الجن والتوبة من الارض؟ فلماذا طابع شركا لنفسى لتميته؟ يعني لو شاول عرف هيموتني فحالف لها شاول بالرب قائلًا حي هو الرب انه لا يلحقك اثم في هذا الامر. طبعا هي مش عارفة ان ده شاول نفسه لكن ما علينا. فقالت - 00:22:49

المرأة من اصعد لك؟ فقال اصعدي لي الصموئيل. صموئيل النبي. اولا فيه فكرة ايه؟ صموئيل النبي في جهنم تحت الصعيدي هو تحت في الهاوية ودي فكرة يعني مصيبة سودا - 00:23:11

موجودة في العهد القديم موجودة ايضا في العهد الجديد وفي بعض النصوص المنسوبة للمسيح في الاناجيل بتقول نفس الكلام وبعدين بولس بنى على الفكرة الباطلة اليهودية دي فكرة بقى ان لازم المسيح نفسه ينزل الى الهاوية علشان - 00:23:28

حرر الناس من سجن ابليس وان كل الناس اللي بتموت دول تحت سلطان الشيطان لازم يؤمنوا بالفداء والصلب عشان يتحرروا. حتى الانبياء تحت سلطان الشيطان. وكل ده مخالف للعقيدة الاسلامية. لكن دي عقيدة النصارى وهي ما - 00:23:50

على امور في العهد القديم اهم بيقول لك اصعدي يعني هو في الهاوية تحت ما علينا فهنا بيقول من اصعد لك؟ فقال اصعدي لي صموئيل. فلما رأت المرأة صموئيل صرخت بصوت عظيم. وكلمت المرأة - 00:24:09

تساول قائلة لماذا خدعتني وانت شاوي؟ هي عرفت منين ان ده شاول لعلي يعني هي ما علينا. فقال لها الملك لا تخافي فماذا رأيت؟ يعني ادى لها الامان فقالت المرأة لشاول رأيت الله يصعدون من الارض - 00:24:28

نص مشكل في الترجمة هو بيقول انا شفت الهيم دا الهيم طالع انا جعلتك الها لفرعون وهارون اخوك يكون نبيك انا قلت انكم الله وبنو العلي لكم مثل الناس تموتون. وكأحد الرؤساء تسقطون. وصف - 00:24:51

المخلوق بانه الله او الهيم او يطلق عليه لفظ جلاله او اسم من اسماء الله لكنه مش اسم حصري يعني يهوى اللي بيترجم في اللغة العربية الى الرب ده اسم حصري ما بيطلقش غير على اللهبني اسرائيل الله ابراهيم واسحاق ويعقوب. بيقال عنه - 00:25:11

وما فيش حد تاني بيقال عنه يهوى لكن الوهيم تتقال عن اي حد. عن الله خالق السماوات والارض في البيت اللي خلق الله. الله

الهيم. تتقابل عن الله وتتقابل عن - 33:25:00

غيره زي ما اتقالت عن سيدنا موسى وده اشكال في حد ذاته وقلنا قبل كده ان لو حتى المسيح اتقال عنه انه الله او الله كده صراحة ده مش دليل، انه فعلوا الله حقيقي، مستحبة العبادة. لأن فيه ناس، كثـر - 00:25:46

خلي بالك احنا عندنا لفظ الجلالة الله اسم علم على ذات الله لا يسمى به غيره يعني الله عندنا زي يهوى بالنسبة لليهود ما فيش حد تاني يتقال عنه الله هذا الاسم بلفظه هكذا - 00:26:04

لله ما يتسمى به حد تاني غير ذات الله عز وجل لكن الوهيم اطلق على كذا حد. فيه اس اطلق على كذا حد فالحال
لو المسيح اتقال عنه سؤس او اتقال عنه الهيم ده مش دليل الوهية. بسبب ان الكتاب فيه هذه الاشكالية - 00:20:26

موسى اتقال عنه الوهيم القضاة اتقال عنهم الوهيم مش صامويل اتقال عنه الوهيم وهكذا. وطبعا في الترجمة السبعينية الوهيم دي
هتتقلب ثيروس، ف وبالتالي، لا ثيروس، دليل، ان ده الله حقيق، مستحقة العادة، ولا الهيم - 45:26:00

دليل انه الى حقيقي مستحقى العبادة طيب فهنا بتقول قال اه تخافي فماذا رأيت؟ فقالت المرأة لشاو رأيت الة
تصعدون من الارض .. فقاها ما هـ صورته - 00:27:03

قالت رجل شيخ صاعد وهو مغطى بجبة فالمفروض بالوصف ده عرف ان ده صموئيل. فعلى مشاوي لانه صاموئيل فخر على وجهه الى الارض وسجد فقالا صموئلا لشاوا ماذا اقلقتني، باصعادك اياء؟ يعني، ايه اقلقتنى - 00:27:19

ده بيؤثر على عقيدة النصارى فيما بعد الموت وان اليهود والنصارى فيه منهم من يعتقدوا ان مرحلة القبر دي الميت كانه نايم. يعني لا يعيش حياة برزخية فيها نعيم او فيها عذاب او فيها سؤال ايا كان. لكن المسلمين ما بيعتقدوش بكده. هنا لما بيقول له لماذا اقلقتني كان، أنا - 00:27:43

كنت نايم تحت وانت صحتنى واسعدتني ما علينا ان في مشاكل كثيرة كما قلت من قبل يعني النصارى واليهود وقعوا في انواع كفر كثيرة جدا يعني احنا عندنا كمسلمين اركان الايمان بالله وملائكته وكتبه ورسله واليوم الآخر والقدر خيري وشره - 00:28:12
وتحت كل عنوان مسائل وتفاصيل لو قعدنا نشوف ان كما هو مذكور في العقيدة الاسلامية. ده الايمان الصحيح. اي اعتقاد اخر في يبقى كفر ستجد بقى ان اليهود والنصارى عندهم عقائد مقابلة للي عندنا كفر كثيرة جدا في كل هذه الابواب. في الايمان بالله وملائكته - 00:28:36

وفيها عند المسلمين أخبار وايات كثيرة جداً جداً عند اليهود والنصارى أقل بكثير في هذا الباب. لكن اللي عندهم غالباً مخالف للي عندنا. ولو حتى اللي مذكور في كتابهم - 00:28:28

موافق اللي عندنا تجد ان عقيدة النصراني او اليهودي مختلفة يعني مسلا لو قلنا الجنة فيها اكل وشرب ونعميم جسدي مادي. النصراني يقول لك لأننا ما عندناش الكلام ده. يا ابني الكتاب بيقول، لأننا ما عندناش - 00:29:43

ده كفر في حد ذاته. الله المستعان طيب فهنا بيقول لماذا اقلقتني باصعادتك ايي؟ فقال شاول قد ضاق بي الامر جداً الفلسطينيون يحاربونني كذا كذا ولم يعد يجيبني لا بالانبياء ولا بالاحلام كذا كذا. لماذا تسأليي رب فارقك؟ لأنك لم تسمع صوت رب؟ طبعاً

المهم في العدد تسعاشر ويدفع الرب اسرائيل ايضا معك اليد الفلسطينيين وغدا انت وبنوك تكونون معي يعني هتموتوا فصاموئيل
تنبأ له ده حضر الروح روح صاموئيل ورخصموئيل قالت له الحقيقة لان هو فعلا في اخر الصفر - [00:30:23](#)

صموئيل آآ شاول ووالده الاتين بيموتوا فكان يعني الموضوع نفعه. هو طبعا كان يأمل ان الصموئيل يقول له ازاي ينتصر عليهم او
كذا؟ لكنه هو بشره بانه هيموت هو ووالده - [00:30:46](#)

وعلشان الشور اللي هو عملها ومع الاخذ في الاعتبار ان ده مسيح الرب وشخص كان مختار وحلت عليه روح الرب وكان بيتنبأ وكذا الله المستعان هنا بيقول في العدد عشرين فاسرع شاول وسقط على طوله الى الارض وخاف جدا من كلام صاموئيل وايضا لم تكن فيه قوة لانه لم يأكل طعاما - [00:31:01](#)

النهار كله هو الليل. فدي قصة في غاية الغرابة من اغرب قصص سفر صاموئيل الاول الاصحاح تسعه وعشرين وتلاتين وواحد وتلاتين يعني خلاص الصفر بيخلص كلها اخبار عن حروب ما فيهاش اي معلومات آآ - [00:31:22](#)

قد كده يعني في النهاية في الاصحاح واحد وتلاتين تحت عنوان شاول يقتل نفسه المشكلة يعني الانتحار في الكتاب المقدس ومسألة هل الانتحار حلال ولا حرام؟ يعني هل الانتحار خطية؟ ولا مش خطية - [00:31:41](#)

الكتاب بيذكركم لا بأس به من حالات الانتحار العقيدة المسيحية في صورتها البروتستانتية تشجع على الانتحار المسألة دي في غاية الخطورة كان الاخ عبدالعزيز كنا اشترينا كتاب اسمه الموت في مفهوم المسيحي - [00:32:08](#)

آآ كتاب مشترك تأليفه ما بين اثنين بروتستانت فمن ضمن المفاهيم اللي تعرضوا لها في الكتاب مفهوم الانتحار وهل الانتحار خطية ولا مش خطية في النهاية بحسب ما اذكر اظنه قال ان يعني - [00:32:31](#)

فيما معناه ان حتى لو انتحرت والانتحار خطية انت في الآخر برضه داخل الجنة. بالمفهوم البروتستانتي وفكرة اصفي لحظة ان انت قتلت نفسك وانتحرت خطية هتدخل النار وتخلد فيها لا مش هتدخل النار وتخلد فيها - [00:32:50](#)

الكتاب بيذكر الانتحار سواء بنفسه. او انه امر شخص انه يقتله مش عدوه صديقه او فكرة الموتة الرحيم يعني في مسائل عند المسلمين تحتاج دراسة موسعة ومحضورات يا اما الانتحار يعني محروم بشكل واضح في الاسلام او مسائل تانية تحتاج مباحث فقهية ذي - [00:33:13](#)

مسألة الموت الرحيم وكذا لكن الكتاب كانه وجهة نزره في المسألة ان ده امر عادي يعني شف انت مسلا اه دماغك اتفتحت وخايف لا تقول امرأة قتلت فلان اقتل نفسك ولا خلي حد يقتلك عشان تخلص من العار - [00:33:39](#)

او كذا يعني المسألة مسألة صعبة في الكتاب يمكن احنا في مجال الحوار الاسلامي المسيحي وفي مقارنة الاديان غالين بعد ما بنهمتش غير في مسألة نقد والوهية المسيح او الكلام - [00:33:58](#)

في الباب الخاص بالايامن بالله لو هنتكلم اكتر هنقول الكتب المقدسة يعني نادرا ما بنتوسع في مسائل اخرى. كلام الملائكة والجن. الكلام عن اليوم الآخر. الكلام عن الموت والانتحار عن الشريعة واحكام فقهية. المسائل دي لما بتقارن ما بين الاسلام والمسيحية - [00:34:17](#)

بتعطي يعني رفع لقيمة الاسلام في اعين الشخص اللي بيقارن بشكل كبير جدا جدا. انا ذي ما قلت قبل كده مسألة مقارنة الاديان عندي في الاصل انا ابين افضلية الاسلام - [00:34:43](#)

على سائر الاديان الاخرى ما تخليش بقى المقارنة في امر ضيق خصوصا ان احنا في عصر محتاجين نعرف الدين بينزمني حياتي قد ايه. في فروع مختلفة من من حياتي. مسائل فقهية مسائل تشريعية مسائل ايمانية مسائل غير - [00:35:04](#)

مش بس الایمان بالله فالمفروض ان احنا يعني نبذل مجهد في دراسة كل هذه الامور. السحر ما بين الاسلام والمسيحية. الموت اليوم الآخر ما بين الاسلام والمسيحية. العالم الغيبي الملائكة والجن ما بين الاسلام والمسيحية. دي - [00:35:24](#)

مسائل محتاجة ابحاث. معظم الناس الله ما بين الاسلام والمسيحية. الكتب المقدسة ما بين الاسلام والمسيحية. بالكتير بعد كده الانبياء ما بين والمسيحية خلاص خلص الكلام على كده ناس كتيرة بتيجي تسألني بتقول لي - [00:35:44](#)

يعني كل حاجة احنا كتبنا في كل حاجة سواءعني او عن غيري يقول لك هو انت سبت لنا حاجة نكتب فيها؟ يا اخي مع احترامي لكل الناس هذا جهل شديد - [00:36:01](#)

لو انت فاكر ان خلاص ما فيش حاجة تانية يكتب فيها آآ ده جهل شديد يعني الاخوة اللي بتحضر في رسائل ماجستير ودكتوراه وكذا طب اكتب في ايه انا مش لاقい كل خلاص كل حاجة لأ هي لأ يا جماعة في كتير في مسائل كتير هيكتب فيها مش عاوز اطيل

في التعليقات دي يعني. المهم في الاصحاح واحد وتلاتين تحت عنوان شاول يقتل نفسه. هنا في العدد رقم ثلاثة واشتد الحرب على شاول فاصابته فاصابه الرماة يعني آآ سهم جاله يعني - 00:36:34

رجال القصي فانجرح جدا من الرماة صاب كتير فقال شاور لحام سلاحي حامل سلاحة ده يعني تحس انه غلام شايل له مسلا سيف او دروع وماشي جنبه في الحرب ناولني سيف ناولني رمح ماشي ما علينا - 00:36:51

انا كنت اقول مسل تاني فقلت بلاش يعني ندخل في سياسة. فقال شاور لحام سلاحة استل سيفك واطعني به لان لا يأتي هؤلاء الغلب ويطعنونني ويقيبونني يعني عاوز يقول لك يعني اقتلني انا شكري كده ميت. فاقتلني قبل ما تقتل باليديهم ويعلموا في اللي يعملوه. يعني يمكن - 00:37:13

او كذا يعني فيبيقول لك يعني انت اقتلني احسن. فلم يشا حامل سلاحة لانه خاف جدا يعني حامل السلاح ما رضيش يقتله. فراح شاوي القاتل نفسه. فاخذ شاول السيف وسقط عليه سقط عليه يعني كانه - 00:37:39

حط السيف وراح واقع عليه كده غز نفسه طعن نفسه بالسيف وسقط عليه سقط عليه يعني انه قد مات شاول سقط هو ايضا على سيفه ومات معه. المسألة في يعني اتنين انتحرروا وشاول - 00:37:56

سقط على سيفه وقتل نفسه وحامل السلاح سقط ايضا على سيفه ومات معه يعني مسألة عدم الصبر على البلاء ده امر يعني بيفرق كتير جدا بيفرق كتير جدا في مستوى ايمان الشخص ان انت عندك الايمان ان انت تتحمل هذا البلاء - 00:38:15

وان انت تتدبر اسم الله الاول والآخر وان كل شيء دنيوي مخلوق له اخر لكن الله عز وجل هو الذي ليس بعده شيء هو الوحيد الذي باقي الى الدوام ده المعنى يعني - 00:38:37

ان انت بتتحمل امر شاق ساكن في الدور الفلاني وما فيش اسانسير تتحمل كل شيء له اخر سواء تعبك في صعود السلم له اخر او ان ربنا يكرمك ويركب اسانسير في يوم من الايام. كل شيء له اخر - 00:38:58

فهمها طال العذاب لا يمكن هيدوم الى الابد مهما طال ومهما قسى وكل ما تصبر على مرض او على ابتلاء ربنا يرقيك في الدرجات اكسر واكسر وتتحمل وتبقى ده عمل قلبي انا بتتحمل لله عز وجل - 00:39:18

وده امر يمكن في قصة من قصص سيدنا داود في صموئيل الثاني واحد كان بيشرمه فكزا فقال انا هتحمل هزا الازي لله لعل الله يغفر لي لعل الله عز وجل بهذا البلاء يرفع عنى او يدفع عنى ما هو اعظم من هذا واجل. وهكذا. فالصبر ده امر - 00:39:41

هام جدا يعني الله المستعان هنا في النهاية بيقول في واحد وتلاتين تمانية وفي الغد لما جاء الفلسطينيون آآ ليعرووا القتلى يعني بيسوفوا وهم قتلوا مين بقى وجدوا شاول وبنيه الثلاثة ساقطين في جبل جلبوع - 00:40:00

بيمسلوا بالجثث بقى فقطعوا رأسه وزعوا سلاحة وارسلوا الى ارض الفلسطينيين في كل جهة لاجل التبشير في بيت اصنامهم وفي الشعب يعني ده كان انتصار عظيم ووضعوا سلاحة في بيت عسكروت يعني خدوا سلاحة رمز وسمروا جسده على سور بيت الشام. الله المستعان - 00:40:21

فالهمم كده احنا خلصنا من سفر الصموئيل الاول اللي بدأ بعالی الكاهن وبعدين صموئيل بعدين شاول ويونثان وداود في النهاية بينتهي صاموئيل الاول بيموت المنتحرا وولاده التلاتة ماتوا. ولسه سيدنا داود لسه لم يمسح كملك رسميًا على اسرائيل. كل - 00:40:43

كل الصفر صموئيل الاول صراعات ما بين شاول وداود على مين اللي يبقى الملك والغيرة والكلام ده كله شاول بيحاول يقتل سيدنا داود لو ندخل على سفر صموئيل الثاني ونعرف به نفس الكلام زي ما قلنا قبل كده ان في الاصل الصموئيل الاول والصاموئيل الثاني كانوا صفر واحد - 00:41:09

وكان اسمهم الملوك الاول والملوك الثاني كانوا صفر واحد. واسمهم الملوك الثاني. كوييس؟ ممتاز نفس اشكالية مين كاتب سفر صاموئيل الثاني؟ ما نعرفش. مستحيل بقى يكون صاموئيل علشان صاموئيل كان ميت اصلا. مات في الاسحاق خمسة

وعشرين من الصموئيل الاولين - 00:41:37

يبقى مين اللي كتب صموئيل الثاني؟ وبعدين نفس اشكالية اصلا الصفرين دول ما كانش مكتوب عليهم اسم صاموئيل اصلا. كان مكتوب عليهم الملوك الاول. فيبقى مين اللي كتب وعهد الملوك كان فيه انباء كثير؟ وبعدين هو اكتب اصلا - 00:42:00
في عهد الملوك ولا ما بعد عهد الملوك؟ ومنطقيا لو قلنا ان سفر صموئيل الثاني بينته باخبار في اخر حياة سيدنا داود. يبقى اكيد السفرين دول لانهم كانوا صفر واحد. اتكلبوا على الاقل - 00:42:15

في اخر حياة سيدنا داود. يعني لما اقول الصفر دا بيحكي فترة زمنية من هنا لهنا ما ينفعش تقول لي يبقى تاريخيا الصفر ده اتكلب هنا. لأ ده لازم يكون اتكلب هنا. بعد ما الحقبة الزمنية اللي الصفر بيحكي عنه يكون - 00:42:35

انتهى ممكن يكون اتكلب على فترات مش مشكلة. لكنه في النهاية السفر ختم وآاصبح صالحًا عن ان الناس تقره اكيد بعد الفترة الزمنية اللي هو وقف عندها فالفتره الزمنية اللي هو وقف عندها يعني في اخر حياة سيدنا داود. فهل السفر ده اتكلب في اخر حياة سيدنا داود؟ مين اللي كتبه - 00:42:55

آا الزريف ان انت ما تلاقيش نصاري يقولوا ان سيدنا داود هو الذي كتب هذا السفر وما تلاقيش حد بيقول سليمان هو الذي كتب هذا السفر. لأن في قناعة عند الباحثين - 00:43:21

ان خلاص الاسفار دي كلها القضاة صاموا ايه الاول؟ صاموا ايه لل الثاني؟ الملوك الثاني اخبار الايام الاول؟ اخبار الايام الثاني وبعدين عزرا ونحми واستر كان كل هزه الاسفار كتبت يا اما في عهد عزرا يا اما بعده - 00:43:34
حتى اسفار موسى الخمس وده امر يمكن في المستقبل هنتكلم عنه بالتفصيل لما نحكي عن الاسفار ازاي محررة ومصادر الاسفار ايه ونقرأ اقوال بعض العلماء وكذا لكن لكن ما علينا انا اقصد في النهاية - 00:43:54

ان معظم هذه الاسفار اتكلبت غالبا بعد العودة من السبي البابلي في محاولة للحفاظ على اللي موجود في ذاكرةبني اسرائيل من اي حاجة تعلموها سواء من سيدنا موسى من اخبار الانبياء الاوائل الاباء من سيدنا ادم لغاية سيدنا يوسف - 00:44:12
او عن داود وسليمان وعهد العز والمملكة وكذا يعني ايه؟ نبوه خذ نصر هدم الدنيا كلها وساباهم وخدتهم على بابل العراق فخلاص يعني الحضارة الخاصة ببني اسرائيل انتهت و عمر ما بنى اسرائيل عادوا - 00:44:37

زي ما كانوا قبل السبي عمرهم فكان بعد العودة من السبي ومشكلة فقدانهم لغة العبرية وكذا يعني نريد ان ندون اللي نعرفه واللي احنا فاكرينه من فرصنا في محاولة ان الشعب مرة اخرى يرجع زي ما كان - 00:44:59

قبل السبي البابلي فالملهم يعني مين اللي كتب سمجو المجاهيل؟ طب صمو ايه لل الثاني ده بيtalk عن ايه؟ احنا خلاص عرفنا صاموئيل الاول من عيل الكاهن لغاية متشاري صاموئيل الثاني بيبدا بقصة ان داود عرف ان شاول مات - 00:45:19
وبعدين رسميًا المفروض ان سيدنا داود بيقى ملك فخلاص هو المفروض صاموئيل مسحه كملك. من زمان. بس كان فيه نزاع ما بين شاول وسيدنا داود على مين اللي هيمسك الملك - 00:45:37

فعلا وان ساوي اللي ما كانش عايز فكرة ان ملكه ينتهي وكان عاوز ان ابنه يوناثان ملكه يثبت من بعده وكذا وكل ده طبعا ما حصلش فالصوموئيل الثاني الشاي والعرف اه داود عرف ان شاول مات او اتحر وايا كان - 00:45:53

وبعدين داود بيقى ملك بشكل رسمي وبعدين بقية الصفر بيحكي عن ايه سفر الصاموئيل الثاني ده ممل الى اقصى حد. مليان شخصيات ما تفهمش هم مين معظمهم يا اما قرايب شاول يا اما قرايب داود اولاده - 00:46:11

وكلهم بيحاربوا بعض على الملك فالمفروض ان داود هو الملك والناس عمالة بقى تصارع داود على الملك يا اما بقايا آا ابناء شاول او احفاد شاول ايا كان يا اما ابناء سيدنا داود نفسه ولاده بيحاربوا على الملك - 00:46:31

في واحد اسمه ايشلوم ايشلوم ده مفرد له صراع كبير ما بينه وما بين سيدنا داود ان ايشالوم كان بيتنازع ابوه في الحكم طبعا لما نيجي نقرأ في صاموئيل الثاني هيتحكي بقى ان سيدنا داود بدأ يتجوز كثير وبقى عنده نساء كثير وسراي وبعدين خلف ولاد كثير - 00:46:55

وبعدين الصفر بيذكر اجمالا اسامي الولاد غالبا هتلباقي بقى يعني مصايب حصلت من ولاد سيدنا داود دول الله المستعان. طبعا صموئيل الثاني بقى هي اللي فيها قصة ان سيدنا داود خطف امرأة اوريا الحس آآ الحسي - 00:47:16

اغتصبها وبعدين قتل جوزها وفيها قصة آآ الولد اللي والعياذ بالله اراد ان يرثي باخته اللي هي ام نون وثار الثغر ده واحد من ابناء داود والثمار ده بنت من بنات داود. لكن هم مش شققا يعني مش شقائق. مش من نفس الاب والام. من نفس الاب لكن من ام مختلفة - 00:47:35

ويغتصب اخته ويزلها ومش عارف مين وبعدين اخوه يقتله علشان ينتقم لاخته. وبعدين ابن داود يحاول وكل السفر انشقاقات وحروب واعتداءات وساعات امور غير اخلاقية وهكذا. وانتحار وزي ما انت عايز. لكن للأسف - 00:48:04

او مش للأسف يعني انا ما لي! الصفر مليان تفاصيل تاريخية ما لهاش اي قيمة فلذلك باذن الله عز وجل احنا هنفوت على سفر صموئيل سريعا جدا سفر صموئيل الثاني هنفوت عليه سريعا جدا. لكن في فيديو قادم باذن الله عز - 00:48:27

لاني لا اريد ان اطيل في هذا الفيديو. فكده احنا عرفنا كمقدمة محتوى صفر صموئيل داود عرف بموت شاول بامانة صراعات وانشقاقات وحروب واعتداءات الصفر بينتهي عند نهاية حياة داود. الصفر ما بينتهيش بموته. لكن بيحكي انه خلاص بقى عجوز وشاخ وبيحكي ان سيدنا داود بنى - 00:48:46

وقد يرتل ويحمد الله عز وجل. فموت سيدنا داود هيبقى في بداية الملوك الاول. وبعد كده سيدنا سليمان بقى يمسك الملك في نهاية هذا الفيديو كالعادة لو كان الفيديو عجبكم اتمني تعملوا لايق وشير. ومنتظر ارائكم ومقتراحاتكم وتعليقاتكم في التعليقات. واللي ما اشتراكش في - 00:49:13

قناة يعمل سبسكرايب وساعدت على نشر الفيديو وساعدت على نشر البلاي ليست وشاركونا في الاجر. ولا ننسى ان نشير الى القنوات الصديقة وتابعوا والاعمال اللي فيها قناة البينة الدعوية قناة مكافحة الشبهات - 00:49:36

وقناة سؤالات للرد على الشبهات الى ان نلتقي في فيديو اخر قريبا جدا باذن الله عز وجل استودعكم الله الذي لا تضيع ودائمه. والسلام عليكم ورحمة الله وبركاته - 00:49:51